

Ola tropical pisa a tene pueblo den suspenso




Imagen di satellite di Caribe di Diahuebs atardi 6:30 p.m.

ORANJESTAD(AAN)—Durante dos dia DIARIO a anuncia cu e ola tropical tabata yegando region di Caribe. Su movecion den direccion di e region tabata poco poco. Unavez el a drenta region Caribense, Diarazon anochi pa mainta, e velocidad cu cual e tabata move a aumenta y dia a habri cu e mayoria di actividad pa Noord di Aruba, manera a worde pronostica mientras e parti mas abao, producto di e asina yama "outflow" di e sistema amenazando cu awacero pisa cu por a afecta Aruba ayera.

E sistema a sigui move den direccion pabao. Pa awe Aruba por spera sinembargo algun yobida. E sistema a sirbi pa adverti, cu sistemanan tropical mihor desaroya ta presenta nan mes y mester ta prepara. For di Diarazonmadruga, imagennan y informacionnan tabata mustra cu e ola tropical

tabata bira mihor organiza, pero tambe cu su forma tabata cambia. Pronosticonan tabata spera, cu e velocidad cu cual e tabata move ariba Oceano, a worde manteni ora e drenta tambe. Esey a haci cu a spera cu e ola tropical, cu tabata tin chens pa bira un depresion tropical, a alcanza vecindario di Aruba ayeranochi. Unavez den Caribe, e sistema a dicidi di subi e velocidad cu cual e tabata

move y nubianan cu tabata acompaña a alcanza e isla di Bonaire, cu a midi 19 mm. di yobida mainta tempran. E yobidanen a bini di un linea cu a forma su mes entre continente Sudamericano y Bonaire y despues a cuminsa tuma direccion pabao. Nan no a alcanza Aruba merdia, ora nan a kibra.

E pronostico ayeramainta tabata basa ariba e forma cu e sistema tabata presenta su mes y tabata mustra cu awacero pisa, cu por a provoca algun biento fuerte, a manifesta nan mes mescos cu strena y lamper pisa. E nubianan aki a kibra promer cu nan a yega e islanan, cu a keda cubri pa un gran parti pa nubianan na nivel halto y mediano y tambe nubianan capa, cu no ta produci yobida, manera e nubianan cu ta crece bay halto.

E sistema tabata move hopi liher pero ta worde spera cu den marduga y mainta di awe algun yobida, cu chens pa ta acompaña pa strena y

lamper, lo por worde spera. E biento, cu no a cay tanto na Aruba, manera na e otro islanan, lo normaliza gradualmente awe. Pa loke ta trata e sistema mes, avionnan cu a bay aden ayeramerdia ainda no a haya un circulacion cera, necesario pa clafisike como depresion tropical. Pero a mantene cu e condicionnan ta favorabel pa ora e yega mas leo den Caribe e sigui desaroya.

E suspenso a pasa, pero ta

bon pa tur hende tene cuenta cu temporada di horcan por produci situacionnan cu ta haci necesario pa nan vivienda por cu e condicionnan di yobida y biento cu por acompaña nan. Ademas e sistema cu a pasa ayera a demostra, loke DIARIO a spierta pe, cu ta imposibel predecir si nan por aumenta den velocidad y con exactamente nan lo afecta por ehempel e condicionnan den vecindario di Aruba.

Boa tambe den Weg Fontein

Señora a spanta di a wak un pida rabo

ORANJESTAD (AAN): Bo sa kico kier meen cu mainta trempa habri porta di cas y wak un pida rabo di Boa bo dilanti. Esaki a socede cu ora señora doño cas a haye confronta cu e situacion.


Ta asina na yegada di e patruya na un cas den Weg Fontein, polisnan a papia cu e señora di inicialnan M.A.H. di 49 aña cu ainda ta

den susto. E señora a splica polisnan net e ta bay habri porta di cas e ta wak pida rabo, cual a bin resulta di ta pertenece na un Boa.

E colebra mes, e no sa con grandi esaki lo por ta. Polis a bin descubri un Boa chikito cu a pone e señora spanta su alma. E colebra a worde gara y polis a percura pa deshaci di esaki.

AWO TUR COS TA BAI BROEI!!

WARDA, WARDA, E BUKI DI TRIKI NO TA SPLICABO BON!! MI KIER PA GOTITO SOMENTA, PERO NAN TA KEDA BROEI MANERA CONEU!!!



BEST DEAL

Tel: 5827100

(Pariba di Aruba Bank, Paradera)

Laptop case
Afl.35,=

